

水經注疏要刪卷二十

宜都楊守敬撰

漾水

經漾水出隴西氏道縣蟠冢山東至武都沮縣爲漢水

右一

此蓋作水經者見漢志與禹貢不甚合故錯互其辭而酈氏以二漢通流調停諸說其實皆未得漢志之意 金氏榜禮箋說實足發千古之蒙詳見余讀漢志釋例中

注西源出隴西蟠冢山

右一

趙氏據漢志於隴西下補西縣二字按此酈氏引

要刪卷二十

一 漾水

華陽國志文原書本無西縣二字

注劉澄之云有水從沔陽縣

左一

劉澄之當作劉淵林此淺人不知其文出蜀都賦注又見酈注多引劉澄之而潛水篇又有澄之白水入潛之說故改之不知白水出西漢水之西白水入潛非謂卽潛水與此義不合 蜀都賦演以潛沫劉淵林注有水從漢中沔陽縣南流至梓潼漢壽縣入大穴中通岡山下今名複水舊說云禹貢潛水也爾雅疏引郭璞音義云有水從漢中沔陽南流至梓潼漢壽入大穴中通峒山下西南潛

出一名沔陽水舊俗云卽禹貢之潛也據此是劉郭並稱漢中沔陽並非誤字若阿陽則天水之縣其故城在今平涼府靜甯州南遠出渭水之北若有水流至漢壽勢必橫截渭水而南較之說文貌道誤字更爲悠遠趙戴但見舊本有作河陽者遂牽附師古說而以爲得所憑據全不覆考地望且酈意謂蟠冢爲分水嶺沔水無西入之理因引劉郭之說爲東漢入西漢之證卽所謂潛水也今改爲阿陽與東漢水毫不相涉與潛水之義亦乖恐道元地下齒冷也

要刪卷二十

二

漾水

注漾水出崑崙西北隅至氐道重源顯發而爲漾水  
闕駟說蓋卽山海經淮南子之洋水然不聞有重源顯發之說恐附會也

右二

注川共目殊或亦在斯

右三

自此以上皆因經文於東西漢水不分明故往復調停而水經所以迷離者亦由讀漢志未晰致斯牽混得金氏榜說乃能了然眞足發千古之蒙也  
注故習譌爲楊廉也

右四

熊會貞曰按地形志秦州漢陽郡有陽廉縣則旣

誤廣作廉又誤楊作陽矣

注天水始昌縣故城西也

右四

此必當倒互作西城者戴氏何以不從趙說

注西縣有鹽官

左四

今本漢志脫有鹽官三字當據此補

注東逕建威城南

右五

蜀志諸葛亮傳建興七年亮出自建威張翼傳延

熙中翼稍遷建威督

注又東與蘭坑水會

右五

魏志郭淮傳青龍二年諸葛亮出斜谷並田于蘭

要刪卷二十

三

漾水

坑

注又東南得城階水

左六

熊會貞曰按隋志漢陽郡上祿縣下後魏置倉泉

縣後周廢階陵豐川建平城階四縣入焉城階縣

蓋以城階水得名則城階字不誤趙改武階戴改

武街皆非也

注形若覆壺

左六

御覽六五十引覆下有唾字戴蓋據增

注一名仇池池方百頃即指此也

右七

熊會貞曰據宋書氏胡傳仇池地方百頃下池字

當是地字之誤

注世居隴右爲氏大帥

右七

大帥作太師乃寰宇記之誤趙氏奈何據以改本書宋書氏胡傳作大帥

注水出武階東北四十五里

左七

按地形志有武階郡在今階州下文武街城本下辨縣治下辨在今成縣西去階州頗遠不得合之爲一

注更馳南溪

左七

更馳南溪四字當有訛文熊會貞曰當以更馳絕

要刪卷二十

四

漾水

句

注又逕甘泉戍南

右八

今甘驛在平樂水南疑當作逕甘泉戍北

注又東逕平洛戍南

右八

漢之平樂卽地形志之平洛上文樂字不必改洛

注漢水東南逕脩城道南

右八

熊會貞曰漢志有脩城道此不誤若地形志之脩武郡武亦城誤隋志順政郡脩城縣下云舊置脩城郡是其證孫氏疑脩城當爲脩武非也

注又東逕武街城南故下辨縣治也

右八

地形志有武階郡然下辨縣屬脩城郡則此非武階也孫校街當作階亦非

注以氏王楊難敵堅妻死葬陰平

右八

葬陰平事無考以意定之當是楊難敵弟堅頭妻死不然何得有堅字也堅下脫頭字上脫弟字戴刪堅字則以爲楊難敵妻矣

注今廣業郡治

左八

按地形志南岐州廣業郡無屬縣據隋志知爲治白石東益州之廣業領廣業廣化二縣似不得以武街爲縣治或魏僑置廣漢于下辨亦情事所有

要刪卷二十

五

漾水

此當存疑隋志同谷舊曰白石置廣業郡元和志後魏宣武帝置廣業郡並白石縣地形志無白石縣有兩廣業郡一屬南岐州一屬東益州實只一郡先後屬不同故兩載之

注峽中白水生大石

左八

朱箋曰白一作當考虞翊傳注作當泉水按宜作當白水則下文白水方有根謂當白水流處也當字不可刪

注濁水卽白水之異名也

右九

孫星衍校謂出山海經按山海經無此白水

注故謂之鳳凰臺北去郡三里

左十

熊會貞曰據上文廣業郡治下辨在白石縣西三十餘里鳳凰臺在白石東南則三下當脫十字

注漢水又東逕武興城南

右

按蜀志蔣舒為武興督則武興城舊矣今略陽縣治

注上承漾水西南流為西漢水

右

此所云漾水指東漢水非指西漢水其云西南流為西漢水者為字似當作入然此亦有本鄭書注云漢別為潛即為西漢水也是古者潛水下流稱

要刪卷二十

六 漾水

西漢水自氐道之水南合潛水不與東漢通流於是始并蟠冢稱西漢水

注白水西北出于臨洮縣西南西傾山

左

按漢志之白水出氐道當以羌水篇之天池白水當之此之白水云出臨洮西傾山

本郭璞山海經注

山亦

在氐道之西北而除天池白水以外無足當臨洮之白水者酈氏敘此白水其下流逕陰平城南陰平城在今文縣西五里其城南之白水河不能出氐道尤不能出臨洮之西傾山而酈氏敘此白水其流甚遠竊疑古時白水自天池流逕今沙

噶堡山南下入陰平道之白水方與漢志水經符  
合今湮塞不通遂有兩白水之名

注水出于平武郡東北

左

隋志平武郡西魏置龍州非謂置平武也趙氏誤

斷句

注又西歷平洛郡東南

左

熊會貞曰平洛郡諸地志不載據此及涪水注云  
建始水發于平洛郡西溪則郡當是北魏立

注閬水出閬陽縣

左

各地志無閬陽縣當即閬中縣之誤蜀志霍峻傳

要刪卷二十

七

漾水

峻守葭萌劉璋將扶禁向存等帥萬餘人由閬水  
上攻圍峻張飛傳先主伐吳飛當率兵萬人自閬  
中會江州臨發其帳下將張達范疆殺飛是閬陽  
為閬中之誤無疑

注又東南逕平城東

右

熊會貞曰趙戴於平上增始字非也按北魏始平  
縣在劍州北與東遊水中隔晉壽注何以不言逕  
晉壽而反言逕始平乎且西漢水在東遊水之西  
何以西漢水不言逕始平則平城非始平審矣

注又東南逕宕渠縣東

右

按漢宕渠縣城在今渠縣東北西漢水不得逕其東寰宇記果州南充縣下云宋于安漢城置南宕渠郡安漢在今充縣北三十五里西漢水正逕其東則宕渠縣乃宕渠郡之誤

注西北出鄭縣南巴嶺

右

巴嶺在南鄭南此當於鄭上增南字不當刪下南字

注又東南入于漢

左

熊會貞曰宕渠水西南入漢不得東南入也

丹水

要刪卷二十

八

丹水

注一名高豬山也

左

此山為丹水所出疑本作赭山與豬形近致誤

注丹水東南流與清池水合

左

熊會貞曰孫星衍謂此十字是經文非也凡經文水名只一見此重丹水二字故知必非經文

注析水出析縣西北宏農盧氏縣大蒿山

左

孫星衍引錢坫說疑析水即漢志之鞠水按漢志言鞠水入湍水非析水也水經注自有菊水在湍水篇錢氏漢志斟注亦並無析水即鞠水之說

注黃水出北予山黃谷

右

熊會貞曰出北予山趙改作出北芬山戴改作北  
出芬山蓋據漢志黃水入湍水湍水經出酈縣北  
芬山也然兩水不必同出一山當存原文爲是又  
按漢志所云黃水入湍在均水之東今猶名黃水  
河注所云黃水入丹在均水之西今無此水此豈  
酈氏誤系乎